

明鑑易知錄

四

413
537
52





113  
537  
52

尺木堂明鑑易知錄卷之七

花房仙女...

周之炯靜專

上虞朱國標聖懷鈔

山陰吳乘權楚材同輯

周之燦星若

明紀

孝宗敬皇帝

編乙卯八年春二月少保大學士丘濬卒濬字仲深廣東瓊州

府瓊山縣人卒年七十三贈太傅諡文莊編命禮部侍郎兼侍讀學士李

東陽詹事兼侍講學士謝遷與機務編張秋隄成



王華日講  
文華殿

名劉大夏為戶部右侍郎。編秋八月設江西巡撫于

南贛。幹。今江。西贛州府。紀時汀漳。今福建汀州。漳州二府。多盜嶺南。廣

東。姦民附之。故添設憲府於要地。以節制焉。

編丙辰九年春閏三月諭德王華日講文華殿。紀華

講唐肅宗李輔國與張后表裏用事。時內侍李廣方

貴幸。招權納賄。華以諷上。上樂聞之。特命賜食。編夏

四月以吏部左侍郎周經為戶部尚書禮部左侍郎

徐瓊為禮部尚書。編秋八月大學士徐溥劉健李東

陽謝遷上疏諫燒煉齋醮之事。紀溥等以內官李廣

楊鵬引用劉良輔左道惑亂。乃上疏曰。我祖宗自洪

武至天順閒。皆召儒士諮議政事。今朝參外。不得一

覩天顏。夫人君之心。必有所繫。不繫於此。則必繫於

彼。正士既疏。則邪說乘閒閒。乘。空閒處。而入。近有以齋醮

燒煉進者。此乃異端惑世之術。聖王之所必禁也。宋

徽宗崇信道流。卒使乘輿播遷。社稷傾覆。至若燒煉

金石之藥。性多酷烈。唐憲宗藥發致疾。其禍甚慘。矧

熒惑見三卷失度。太陽無光。天鳴地震。草妖木異。四

方奏報。殆無虛日。伏望嚴早朝之節。復奏事之規。遠



纂脩大明  
會典  
罷遊後苑

京師風霾  
各省地震

邪佞之人斥誣罔之說太平之業可保矣上嘉納之。  
編丁巳十年春三月命內閣及翰林院官纂脩大明  
會典。編帝罷遊後苑紀上屢遊後苑侍講王鏊侍經  
筵講文王不以盤于遊田上悟納之名李廣等戒之  
曰今日講官所指蓋為若輩好為之竟罷遊。編夏五  
月京師風霾霾。雨土蒙霧也。詩。霾風終風且霾。霾音蒙。各省地震。詔  
求直言。紀祠祭郎中王雲鳳上言。納忠言。罷左道齋  
醮採辦傳奉諸事。上嘉納之。  
編戊午十一年春二月進內閣大學士徐溥少師兼

熊之為兆  
宜慎火

太子太師劉健少傅李東陽謝遷並太子少保。進  
兵部尚書馬文升少傅兼太子太傅。刑部尚書白昂  
太子太保。戶部尚書周經。禮部尚書徐瓊。工部尚書  
徐貫。左都御史閔珪並太子少傅。編皇太子出閣講  
學。編夏六月有熊入京城乾清宮災。紀京師西直門  
有熊入城馬文升謂野獸入城宜嚴武備以防不虞。  
兵部郎中何孟春謂同列曰熊之為兆宜慎火。未幾  
禮部燬禁中亦火。乾清宮災。或問孟春此占出自何  
書孟春曰予不曉占書曾見宋紀紹興高宗年號中永嘉



今浙江溫州府。災前數日有熊至城下。州守高世則謂其伴翠也。趙允縉韜曰熊於字能火。郡中宜慎火。果延燒官民舍十之七八。予憶此事。不料其亦驗也。**編冬**十月。少師華蓋殿大學士徐溥致仕。未幾卒。贈太師諡文靖。**編太**監李廣有罪自殺。**紀廣**以左道見寵任。權傾中外。會幼公主痘殤。太皇太后歸罪於廣。廣懼。飲鴆。見上卷死。上命搜廣家。得納賄簿籍。申言某送黃米幾百石。某送白米幾千石。上曰。廣食幾何而多若是。左右曰。黃米。金也。白米。銀也。上怒。籍沒之。

黃米白米

**編己未**十二年春正月。給事中楊廉士疏請講大學衍義。見上卷從之。**編冬**十一月。寧王觀錫卒。上高王宸濠嗣。紀宸濠。寧寧藩舊在大寧。太祖子初封之地。後徙封江西南昌府。仍號寧王。康王觀錫庶子。初封上高今江西瑞州府上高縣。王。至是觀錫卒。宸濠嗣為寧王。**編庚申**十三年夏五月。吏部尚書屠浦。戶部尚書周經。禮部尚書徐瓊。刑部尚書白昂。工部尚書徐貫。罷。各以星變乞致仕。許之。**編**以右都御史侶似鍾為戶部尚書。掌詹事府。禮部左侍郎傅瀚為禮部尚書。左都御史

宸濠嗣為寧王



閔珪為刑部尚書。工部左侍郎曾鑑為工部尚書。編夏六月。召南京兵部尚書倪岳為吏部尚書。南京刑部尚書戴珊為左都御史。加兵部尚書馬文升少傅。

編辛酉十四年春正月。陝西地震。紀馬文升上言。祗畏變異。痛加脩省。勸上積金帛以備緩急。罷齋醮。以省浪費。止傳奉之官。禁奏計之地。將陝西織造。絀內臣。早取回京。以蘇軍民之困。上嘉納之。編秋九月。太子太保吏部尚書倪岳卒。編冬十月。以馬文升為

吏部尚書。劉大夏為兵部尚書。

王哲巡按  
江西

編壬戌十五年春二月。佾鍾罷。以南京兵部尚書韓文為戶部尚書。編夏四月。命御史王哲巡按江西。紀哲所至。恤民隱。作士風。表先賢祠墓。時天旱。種不入土。哲乃親錄繫囚。出其所當原者數百人。翊日雨。是歲有秋。民有女奴自逃。其讎指為故殺。訟於官獄。既成。哲復訊。見其有冤色。使人密訪女奴所在。得之。民得不坐。又有大家被盜。因誣其所怨者。賂鎮守欲置於法。哲察其誣。出之。鎮守怒。衆亦以為疑。久之。真盜



一哲十哲之語

得始皆愧服。民為之謠曰：江西有一哲，六月飛霜雪。天下有十哲，太平無休歇。

**編**癸亥十六年春二月進劉健少師兼太子太師吏部尚書華蓋殿大學士李東陽戶部尚書謹身殿大學士謝遷禮部尚書武英殿大學士並加太子太保吳寬禮部尚書兼翰林院學士掌詹事府**編**夏五月京師大旱**紀**劉大夏因言兵政之弊未能悉革乞退不允令開陳所言弊端大夏條上十事上覽奏嘉納之上嘗問大夏天下何時太平朕如何得如古帝王

對曰求治不宜太急凡用入行政即名內閣蛤并執政大臣面議行之但求順理以致太平時刑部尚書閔珪持法忤旨上與大夏語及之而怒大夏曰人臣執法不過效忠朝廷珪所為無足異上曰古亦有之乎對曰舜為天子皋陶為士執之而已上默然徐曰珪第執之過耳老成人何可輕棄竟允珪請

**編**甲子十七年春三月太皇太后周氏崩**編**秋七月掌詹事府禮部尚書吳寬卒諡文定

**編**乙丑十八年夏五月帝崩**紀**上不豫名大學士劉



健等受顧命。見三卷健等入叩頭榻下。上曰：朕蒙皇

考厚恩，選張氏為皇后。生東宮，今十五歲矣。尚未選

婚。社稷事重，可即令禮部舉行。皆應曰：諾。上曰：東宮

聰明，但年幼，好逸樂。諸先生須輔之以正道。俾為令

主。健等皆叩頭曰：臣等敢不盡力。諸臣出。翼日上崩。

**編**太子厚照即位。尊皇太后曰太皇太后，皇后曰

皇太后。**編**秋九月，恆星晝見。**編**葬泰陵。

武宗毅皇帝。名厚照，孝宗太子，在位十六年，壽三十一歲而崩。

**編**丙寅，武宗皇帝正德元年春正月，天鳴地震。命

天鳴地震

恆星晝見

劉瑾用事

都御史楊一清總制陝西三邊軍務。**編**以神機營中

軍二司內官太監劉瑾。二音謹管五千營。**紀**瑾陝西興

平。今西安府人。故姓淡。景泰中自宮。為劉太監

名下，因其姓。成化時領教坊見幸。弘治初擯茂陵司

香。其後得侍東宮，以俳牌弄戲為上所悅。上即位，

瑾朝夕與其黨八人為狗馬鷹犬，歌舞角觝。底。角。戲樂也。

以娛魚上。上狎焉。八人者，馬末成、高鳳、羅祥、魏

彬、丘聚、谷大用、張永。其一瑾。瑾尤獍膾。給捷。頗

通古今。常慕王振之為人。英宗正統中太監王振用事。至是漸用

劉瑾慕王振



劉健等連疏請誅八人

事。編夏四月。少師吏部尚書馬文升罷。以焦芳為吏部尚書。名南京兵部尚書張敷華為左都御史。編六月。雷震郊壇禁門。太廟脊獸奉天殿鴟吻。列紀。大學士劉健謝遷李東陽聞上與八人戲亡度。連疏請誅。略曰。政在於民生國計。則若罔聞知。事涉於近倖貴戚。則牢不可破。臣等叨居重地。徒擁虛銜。或旨從中出。略不與聞。或衆所擬議。竟行改易。若以臣言為是。則宜傳賜施行。臣等言非。亦宜明加斥責。而往往留中不發。視之若無。臣等因循玩愒。貪也。左傳。玩

彗星見參井掃太微太白經天

韓文劾劉瑾疏

歲而竊祿苟容。既負先帝。又負陛下。語甚切直。不報。編秋七月。彗。遂位星。見現。參井。掃太微垣。彗竹掃帚也。彗星妖星。光芒徧指如彗者也。參井。編太白經天。見二卷。二宿名。太微。天帝南宮也。編九月。兵部尚書八月。立妃夏氏為皇后。慶陽伯夏儒之女也。編九月。兵部尚書劉大夏致仕。以劾劉瑾罪也。編以總督宣大軍務都御史劉宇為兵部尚書。編冬。十月。命劉瑾入掌司禮監。兼提督團營。瑾矯詔罷大學士劉健謝遷。殺內司禮監太監王岳范亨等。下刑科給事中吳紳。充山西道御史。劉玉獄。紀戶部尚書韓文具疏。合九卿諸大臣上言。



伏觀近歲以來。太監馬永成谷大用張永羅祥魏彬  
劉瑾丘聚高鳳等。置造巧偽。淫蕩上心。或擊毬走馬  
或放鷹逐兔。或俳優雜劇。錯陳於前。或導萬乘之尊  
與人交易。狎暱銀入聲媒屑。無復禮體。日遊不足。夜  
以繼之。勞耗精神。虧損聖德。遂使天道失序。地氣靡  
寧。雷異星變。桃李秋花。考厥占候。咸非吉祥。先帝臨  
崩。顧命之語。陛下所聞也。奈何姑息見二卷八羣小。置之  
左右。為長夜之遊。恣無厭之欲。以累聖德乎。伏望陛  
下將永成等。縛送法司。以消禍萌。疏入。上驚泣不食。

焦芳泄謀  
劉瑾

諸閣大懼。自求安置南京。而閣議持不從。時內司禮  
監太監王岳亦東宮舊臣。素剛直。頗惡其儕所為。與  
司禮太監范亨徐智等亦助韓文等密奏上。上允之。  
待明日發旨捕瑾等下獄。而吏部尚書焦芳者。故與  
瑾善。遂以所謀泄之。瑾等亦廉察也。知岳等密奏事。  
八人者遂夜趨上前。環跪哭曰。微陛下恩。瑾等磔  
也。裂戶餒狗矣。上色動。瑾輒進曰。害瑾等者。王岳也。夫  
狗馬鷹犬。岳買獻否。而獨咎瑾等。上怒曰。吾收岳矣。  
瑾曰。狗馬鷹兔。何損萬幾。今左班官敢譁無忌者。司



李東陽以緘默獨留

禮監無人也。有則惟陛下所欲為。誰敢言者。上怒。是夜立命瑾入掌司禮監。兼提督團營。丘聚提督東廠。谷大用提督西廠。張永等並司營務。分據要地。瑾夜傳命榜岳亨智逐之南京。而外廷未知也。晨伏闕。則旨下。劉健等知事不可為。各上疏求去。瑾矯詔勒健遷致仕。惟李東陽獨留。蓋前閣議時。健嘗推案哭。遷亦嘗咨瑾等不休。惟東陽稍緘默。故得獨留。健遷濱行。東陽祖道。祭道神。日祖祖歎歎而抽息也。健正色曰。何用今日哭為。使當日出。一語則與我輩同去耳。

許進遠識

東陽無以應。瑾尋矯詔追殺岳亨於途。擊折徐智臂。得免。初舉朝必欲誅瑾。兵部尚書許進曰。此屬得疏斥足矣。若峻其事。恐有甘露之變。唐文宗朝鄭注李伏兵殿左。適金吾衛將軍韓約奏左金吾聽事後。石樞夜有甘露。帝命巾尉仇士良率諸宦者往視之。至左仗風吹幕起。見執兵者甚衆。士良驚走。詣帝告變。訓呼金吾衛士上殿。縱擊宦官不克。士良等命神策兵殺訓注等。既而果如進言。呂狝劉玉俱上疏論劉瑾佞倖。棄逐顧命大臣。乞留劉健謝遷。而以瑾正典刑。上怒。下獄。斥為民。瑾既得志。於是內揣合上意外。日以深文誅求微罪。使自救不暇。而莫敢進言。上喜。



焦芳導劉  
瑾為惡  
逮戴銑薄  
彥徽等下  
獄

益謂瑾可委任矣。編以吏部尚書焦芳兼文淵閣大學士入閣辦事。紀芳潛通劉瑾黨。瑾遂引芳入閣。表裏為奸。凡變紊成憲。桎梏臣工。杜塞言路。酷虐軍民。皆芳導之。編逮南京給事中戴銑。先上御史薄彥徽等。下錦衣衛獄。紀初劉健等致仕。給事中呂狃充劉薳。齒上疏留之。南京兵部尚書林瀚聞而歎息。於是南京六科給事中戴銑等十三道御史薄彥徽等上疏請斥權閹。正國法。留保輔。託大臣以安社稷。劉瑾矯旨遣緹題騎緹帛丹黃色緹衣兵服漢官儀執金吾緹騎二百人逮繫錦衣

韓文乘驟  
宿野店

衛獄。尋薳狃及銑彥徽等二十人。各廷杖除名。為民編罷戶部尚書韓文。紀劉瑾恨文。令人日伺其過。會有進納內府折銀者。內有假偽。瑾矯旨文不能防姦。落職閒住。濱歸。瑾陰遣邏卒伺於途。文乘一驟宿野店而去。文子高唐州屬山東知州士聰。刑部主事士奇。皆削籍。編十二月。罷左都御史張敷華。以極言時政之弊劉瑾惡之也編進李東陽少師兼太子太師。吏部尚書華蓋殿大學士。焦芳太子太保。武英殿大學士。王鏊戶部尚書。文淵閣大學士。以許進為吏部尚書。起屠瀟。



王守仁救戴銑等疏

為左都御史。編謫兵部主事王守仁貴州龍場驛丞。紀守仁上疏言戴銑等職居司諫以言為責其言而善自宜嘉納如其未善亦宜包容以開忠讜言也直之路。乃今赫然下命遠事拘囚下民無知妄生疑懼在廷之臣莫不以此舉為非然莫敢為陛下訟言者恐復以罪銑等者罪之則無補國事而徒增陛下之過舉耳。臣恐自茲以往雖有上關宗社危疑之事陛下孰從而聞之苟念及此寧不寒心。況今天時凍沍護也寒萬一遣去官校督束過嚴銑等在道或遂失

所填溝壑使陛下有殺諫臣之名然後追咎左與莫有言者則既晚矣伏願追收前旨使銑等仍舊供職疏入劉瑾怒矯詔杖五十斃而復甦謫貴州龍場州宣慰司驛丞既謫後瑾使人伺之途將置之死守仁至錢塘州名在浙江杭州府錢塘縣慮不免乃乘夜伴為投江而浮冠履水上遺詩有百年臣子悲何極夜夜江濤泣子胥之句浙江藩臬及郡守楊孟瑛皆信之祭之江上家人亦成服守仁遂隱姓名入武夷山在福建建寧府崇安縣中已而慮及其父華卒赴驛華時為南京吏部



章奏悉付  
劉瑾

尚書瑾勒令致仕。編帝悉以天下章奏付劉瑾。紀瑾時雜構戲玩娛魚上候上娛則多上章奏請省決。上曰吾安用爾為。而一煩朕。瑾由是自決政。

奸黨五十  
四人

編丁卯二年春三月劉瑾矯詔榜奸黨於朝堂。頒示天下。紀略曰朕以幼冲嗣位惟賴廷臣輔弼其不逮。豈意去歲奸臣王岳范亨徐智竊弄威福顛倒是非。私與大學士劉健謝遷尚書韓文楊守隨林瀚都御史張敷華戴珊郎中李夢陽主事王守仁王綸孫槃黃昭簡討劉瑞給事中湯禮敬陳寔徐昂陶諧劉滄

艾洪呂狝任惠李光翰戴銑徐蕃牧相徐暹織張良

弼葛嵩趙任賢御史陳琳貢安甫史良佐曹蘭王弘

任諾李熙王蕃葛浩陸崑張鳴鳳蕭乾元姚學禮黃

韶道蔣欽薄彥徽潘鏗湯王良臣趙祐何天衢徐珏

覺楊璋熊倬朱廷聲劉玉翰林倪宗正遞相交通反

側不安因自陳休致其敕內有名者吏部查令致仕

母俟惡稔追悔難及是日朝罷令廷臣跪金水橋南

聽詔。編秋八月進焦芳少傅兼太子太傅謹身殿大

學士王鏊少傅兼太子太傅武英殿大學士。編總制



三邊都御史楊一清罷。劉瑾惡之也。編以楊廷和為戶部尚書兼文淵閣大學士。叅與機務。

編戊辰三年春三月。逮前總制三邊都御史楊一清下獄。紀先是一清巡邊。上疏陳戰守之策。請開屯田數百里。省內運奏上。報可。一清遂與築邊牆。剋期完工。而劉瑾憾一清罷之。工亦止。至是又惡其築邊糜費。下詔獄。王鏊言於瑾曰。一清有簡才重望。為國脩邊。可以為罪乎。李東陽亦力救。乃得釋。編夏四月。致仕吏部尚書王恕卒。贈太師。諡端毅。編六月。執朝官三百餘。

楊一清高才重望

人下詔獄。紀時早朝有遺書丹墀。池。階上地。日墀。天子以丹漆地。故稱者。上命拾以進。則告劉瑾不法狀也。瑾大怒。矯旨跪百官奉天門下。諸監立門東監之。時暑甚。僵偃十數人。命曳葉。拖也。出。至暮。盡送下詔獄。明日李東陽疏救。瑾微聞。出內寺。乃得釋。編逮前戶部尚書韓文。下錦衣衛獄。監禁數月。罰米二千石。赴大同親納。編秋八月。逮前兵部尚書劉大夏。南京刑部尚書潘蕃。下獄。謫戍。劉瑾誣以罪。欲論死。王鏊屠瀟力為之辨。乃謫戍。編劉瑾矯詔以劉宇為吏部尚書。曹元為兵部尚書。



勅劉健謝  
遷為民

明鑑易知錄 卷之七 十四  
編己巳四年春二月勅原任大學士劉健謝遷為民  
紀先是詔舉懷才抱德之士以餘姚今浙江紹興府餘姚縣周  
禮徐子元許龍上虞今紹興府上虞縣徐文彪應詔劉瑾以  
四人皆遷鄉人而草詔由健欲因而害之矯旨下禮  
等鎮撫司鞫菊之吏部尚書劉宇阿瑾意劾有司訪  
舉失實鎮撫詞連健遷瑾持至內閣欲籍其家李東  
陽力為勸解得少釋焦芳抗聲曰從輕處亦當除名  
既而旨下健遷除名禮等戍邊令餘姚人從此毋選  
京部官編三月以錢璣為戶部尚書璣附瑾故不次用  
編夏

四月大學士王鏊致仕五月大學士焦芳以老病  
致仕六月進吏部尚書劉宇少傅兼太子太傅文  
淵閣大學士入閣蛤辦事以吏部左侍郎張綵為吏  
部尚書編冬十二月追奪大學士劉健謝遷尚書馬  
文升劉大夏韓文許進等六百七十五人誥敕為民  
充軍從都給事中李憲言也  
編庚午五年春二月以曹元為吏部尚書兼文淵閣  
大學士入閣辦事編夏四月安化今陝西慶陽府安化縣王寘  
鐸藩反起都御史楊一清命太監張永提督討之紀



楊一清說  
張未

一清與求西行。一日歎息泣謂求曰。藩宗亂。易除國。家內亂不可測。奈何。求曰。何謂。一清曰。公豈一日忘情。顧無能為公畫策者。遂促席手書瑾字。求曰。瑾日夜在上。傍上一日不見瑾。則不樂。今其羽翼已成。耳目廣矣。且奈何。一清曰。公亦天子信幸臣。今討逆。不付他人。付公。上意可知。公試班師入京。詭言請上閒語。寧夏事。上必就公問。公於此時。上寘錡偽檄。吸并述渠亂政。凶狡謀不軌。海內愁怨。天下亂將起。上英武必悟。且大怒。誅瑾。瑾誅。柄用公。公益矯瑾行事。呂

千載三人

疆東漢末宦官張承業唐末宦官暨公千載三人耳。求

曰。即不濟。奈何。一清曰。他人言濟不濟。未可知。言出公必濟。顧公言時。須有端緒。且委曲。脫上不信。公頓首請死。願死上前。即退。瑾必見殺。又涕泣頓首得請。即行事。毋緩頃刻。漏事機。禍不旋踵。求攘臂起曰。我亦何惜餘生。報主乎。編劉宇罷。紀宇附劉瑾。排斥正人。知瑾將敗。先乞身免。編秋八月。劉瑾伏誅。紀寘錡就擒。是月望日。張求至。自寧夏獻俘。上迎之東華門。賜宴比夜。瑾先退。夜半。求出疏懷中。謂瑾激變寧夏。

劉瑾伏誅



心不自安。陰謀不軌狀。求黨張雄張銳亦助之。上曰。罷矣。且飲酒。求曰。離此一步。臣不復見陛下也。上曰。瑾且何為。求曰。取天下。上曰。天下任彼取之。求曰。置陛下何地。上悟。允其奏。當夜即命禁兵逮見二瑾。求等勸上親至瑾第觀變。時漏下三鼓。瑾方熟寢。禁兵排闥入。瑾披衣起。趨出戶。被執就內獄。明日降為奉御。閑住之鳳陽。命廷臣議其罪。初上尚末有意誅瑾。瑾聞鳳陽之命。曰。猶不失富太監也。及籍其家。得金二十四萬錠。又五萬七千八百兩。元寶五百萬錠。又

一百五十八萬三千六百兩。寶石二斗。金甲二。金鈎三千。玉帶四千一百六十二束。蟒衣四百七十襲。袞袍八爪。金龍四。盔魁甲三千。弓弩五百。上大怒曰。瑾果反。乃付獄。吏部尚書張綏送都察院獄。於是六科十三道共劾瑾罪三十餘條。上是之。命法司錦衣衛執瑾午門。廷訊之。瑾大言曰。滿朝公卿皆出我門。誰敢問我者。皆稍稍却。駙馬都尉蔡震曰。我國戚也。不出汝門。得問汝。使人批瑾頰曰。公卿朝廷所用。何由汝。抑汝何藏甲也。曰。以衛上。震曰。何藏之私室。瑾語



寒既上獄。上命母覆奏。陵遲之。三日。梟其首。諸被害人爭買其肉。啖淡之。瑾親屬皆論斬。張綵死獄中。大學士劉宇。曹元。前大學士焦芳。字子編。脩。劉仁。芳子。侍讀焦黃中。戶部尚書劉璣。兵部侍郎陳震。並削籍。為民編。封張永兄張富為泰安伯。弟張容為安定伯。魏彬弟魏英為鎮安伯。馬永成弟馬山為平涼伯。谷大用弟谷大圯為永清伯。封義子朱德為永壽伯。給誥券。世襲。紀李東陽奏旬月之間。二難交作。悉底平定。皆永等之功。故加恩典。編命太監魏彬掌司禮監。

林俊諫用魏彬

張芹劾李東陽

事紀四川巡撫都御史林俊上疏請上還內宮。擇宗室之賢者養於別宮。收名老臣劉健。謝遷。林瀚。王鏊。韓文等。以脩舊政。又言劉瑾雖死。而權柄猶在。宦豎安知後無復有如瑾者。詞旨剴切。大忤左右。不報。御史張芹劾大學士李東陽。劉瑾專權亂政之時。阿諛承順。不能力爭。及陛下任用得人。潛消內變。又攘以為功。冒膺恩蔭。乞賜罷斥。不聽。時魏彬。馬永成等擅執朝政。兩河南北。楚蜀盜遂起。編召楊一清為戶部尚書。加太子太保。進楊廷和少傅。謹身殿大學



士。劉忠少傅。梁儲少保。並武英殿大學士。

**編**辛未。六年夏。四月。大學士劉忠致仕。**編**五月。致仕。

兵部尚書劉大夏卒。贈太保諡忠宣**編**江西四川盜起。**紀**攻

破州縣。到處劫掠官民。流賊劉六劉七齊彥名等橫

行畿甸。京師戒嚴。**編**秋八月。命惠安伯張偉等統京

營兵討流賊。**編**流賊劉六趙風子等分寇河南山東

州縣。**紀**張偉都御史馬中錫討賊無功。逮下獄。偉革

爵。中錫死獄中。**編**冬十月。命太監谷大用總督軍務

調宣府大同邊兵討賊。流賊攻徐州。掠淮西。**編**十

二月。趙風子破裕州。屬河南南陽府同知郁采死之。**編**進禮

部尚書費宏文淵閣大學士。以禮部左侍郎傅珪為

禮部尚書。

**編**壬申。七年春。正月。黃河清。自清河至柳家浦九十里清五日**編**致

仕少師吏部尚書馬文升卒。贈太傅諡端肅**編**夏五月。趙風

子被獲。誅之。**紀**劉六等乘舟往來。至通州狼山。遇颶

具風。四方之風舟覆。賊盡死。**編**冬十月。名大同遊擊江彬

等入京師。**紀**彬宣府人。驍勇狡險。時從宣府副總兵

張俊征流賊於山東。惟殺掠良民。以邀賞。班師入京。

黃河清

名江彬等入京師



外四家

宸濠建陽春書院

賂錢寧引入豹房得見上彬機警善迎人意上喜留侍左右陞左都督冒國姓為義兒時時在上前講說兵事因請盡調遼東宣府大同延綏四鎮精兵入京操練時許泰劉暉等皆有寵於上號外四家而彬尤甚邊卒縱橫驕悍都人苦之上嘗於西內練兵令彬等率兵入習營陣校騎射上戎服臨之銃砲之聲不絕禁中千戶周麒常叱之彬竟陷麒死於是左右皆畏彬編十一月少師大學士李東陽乞致仕從之編癸酉八年夏四月寧王宸濠建陽春書院僭號離

以錢寧掌錦衣衛事

廠衛

宮紀宸濠懷不軌術士李自然妄稱天命謂宸濠當為天子又招術士李日芳等謂城東南隅有天子氣遂建書院當之編六月以王瓊為兵部尚書編冬十月以錢寧掌錦衣衛事賜姓朱紀寧鎮安人太監錢能鎮守雲南寧幼鬻能家能死事劉瑾因得見上上甚悅之嘗醉枕去聲寧臥百官候朝至晡補平聲莫得帝起居但伺寧寧內侍帝外招權納賄諸大臣造謁恐後小拂意即中害時內臣張銳掌東廠威勢與寧等劣也中外號曰廠衛



帝始微行

宸濠自稱國主

編甲戌九年春二月命掌詹事府禮部尚書靳僅貴為文淵閣大學士編帝始微行紀上微行黃花鎮等處近倖朱寧張銳張雄等日導上遊畋微行不可諫止編三月寧王宸濠自稱國主紀妄傳護衛為侍衛改令旨為聖旨宸濠欲令撫臣以下朝服見撫臣俞諫不可又嘗去其左右為惡者濠深銜恨也之編乙亥十年春三月大學士楊廷和罷以父喪去位編夏四月命少傅吏部尚書楊一清兼武英殿大學士以陸完為吏部尚書王瓊為兵部尚書彭澤掌都察

胡世寧發憤上疏

院事編秋八月以毛紀為禮部尚書編冬十月江西按察司副使胡世寧劾奏寧王宸濠罪詔下兵部移文寧府令鈐扣束其下紀時宸濠反跡已著人莫敢言世寧發憤上疏略曰寧王自復護衛以來正德五年八月革寧王護衛騷擾閭閻鈐束官吏禮樂政令漸不出去年三月復騷擾閭閻鈐束官吏禮樂政令漸不出自朝廷臣恐江西之患不止羣盜也伏乞聖明廣集羣議簡命才節威望大臣兼任提督巡撫之職假之以大權銷隙寢邪於無形敕王自王其國仰遵祖訓勿撓有司以防未然疏上宸濠頗懼委過近屬以自



江西承生象

王守仁巡撫南贛

解未幾。宸濠奏胡世寧離間親親。妖言誹謗。賄營內  
 旨。逮繫詔獄。尋謫戍。編以河南左布政孫燧為都察  
 院右副都御史。巡撫江西。編十一月。江西承生象  
 編丙子。十一年秋。七月。致仕大學士李東陽卒。贈太師諡  
 正文編八月。大學士楊一清致仕。以掌詹事府蔣冕兼  
 文淵閣大學士。編冬。十月。以王守仁為都察院右僉  
 都御史。巡撫南贛。見上。汀漳。見同。等處。  
 編丁丑。十二年夏。四月。命禮部尚書毛紀兼東閣大  
 學士。以毛澄為禮部尚書。編秋。七月。召大學士楊廷

和還京師。南贛巡撫王守仁請提督軍務。許之。編  
 八月。帝出關遊獵。紀先是江彬等屢導上出宮遊戲  
 近郊。因數朔言宣府樂。至是遂出居庸關。至宣府。臨  
 塞下。巡關御史張欽上疏諫。不報。彬為上營鎮國府  
 第於宣府。輦連上豹房珍玩。女御其中。時時入民家。  
 益索婦女以進。上樂之。忘歸。編九月。帝幸大同。獵陽  
 和諸城。紀上時獨乘一馬。鹵簿天子儀衛。侍從皆不  
 及。二十七日。方獵。天雨。聲去冰雹。軍士有死者。是夜又  
 有星隕之異。明日。駕赴大同。北寇數萬騎犯陽和。掠



孫懋劾江彬

應州。上命諸將擊之。引去。**編**冬十月。帝還京師。**紀**南  
 京吏科給事中孫懋上疏言。都督江彬自進用以來。  
 專事從諛導非。或遊獵馳驅。或聲色貨利。凡可以蠱  
 惑聖心者無所不至。今又導陛下出居庸關。既臨宣  
 府。又過大同。以致寇騎深入應州。使當日各鎮之兵  
 未集。強寇之衆沓來。幾何不蹈土木。見五卷之轍哉。  
 是彬在。一日國之安危未可知也。不報。上還京。封江  
 彬平鹵伯。許泰安邊伯。冒應州功也。

**編**戊寅十三年春正月。太皇太后王氏崩。**紀**上郊祀

梁儲不肯草制

畢復出關遊幸。太皇太后崩。乃還京。**編**夏六月。帝復  
 議北征。**紀**寧夏今陝西塞有警。上議北征。自稱威武  
 大將軍。太師鎮國公朱壽巡邊。以江彬為威武副將。  
 軍扈行。令內閣草敕。大學士楊廷和。梁儲。蔣冕。毛紀  
 上疏力諫。不聽。上御左順門。召梁儲面趨。促令草制。  
 儲對曰。他可將順。孝經將順其美。注將行也。此制斷  
 不可草。上大怒。挺劍起曰。不草制。齒此劍。儲免冠伏  
 地泣諫曰。臣逆命有罪。願就死。草制則以臣名君。臣  
 死不敢奉命。良久。上擲劍去。乃自稱之。不復草制。彬



帝北巡  
家裏

亦罷副將軍命編七月帝北巡紀先是上既還京輒  
思宣府樂稱曰家裏至是復歷宣府至大同大同巡  
撫都御史胡瓚乞回鑾不聽編冬十月帝幸榆林紀  
上自偏頭關渡河幸榆林今陝西都司榆林衛江彬索金璧裘  
馬數十萬南京禮部右侍郎楊廉兵部尚書喬宇上  
疏諫止不報

制下南巡

編己卯十四年春二月帝自榆林還京師編三月帝  
自稱總督軍務威武大將軍太師鎮國公朱壽制下  
南巡紀上欲登岱宗泰山也為衆山五嶽之長歷徐揚至南京

羣臣會闕  
下諫南巡

臨蘇浙淨江漢祠武當山名初名太嶽又名太嶽和在湖廣襄陽府均州編歷  
中原時寧王宸濠久畜異謀制下人情洶洶翰林修  
撰舒芬等約羣臣上疏乞留俱會闕下吏部尚書陸  
完迎謂曰主上聞直諫輒引刀為刎狀完意蓋以阻  
言者也於是舒芬疏先入郎中黃輦倪宗正員外陸  
震聯疏入吏部郎中夏良勝禮部郎中萬潮太常博  
士陳九川疏繼入醫士徐鏊以醫諫吏部郎中張衍  
慶禮部郎中姜龍兵部郎中孫鳳陸倬等率部僚合  
疏入工部郎中林大輅等大理寺正周敘等行人司



張英囊土  
哭諫

副余廷瓚等亦合疏先後入上大怒召江彬示之以  
彬言下黃鞏陸震夏良勝萬潮陳九川徐整錦衣獄  
命舒芬張衍慶姜龍孫鳳陸俸等百有七人跪午門  
外五日林大輅周敘余廷瓚等二十餘人俱下獄明  
日黃鞏等六人亦跪五日於是京師連日陰霾見上  
晝晦禁中水自溢高橋四尺許橋下七鐵柱齊折如  
斬金吾衛指揮張英者肉袒挾兩囊土數升當蹕見  
卷十道哭諫不允即拔刀自刎血流滿地侍衛人縛  
送詔獄問英囊土何為曰恐汚帝廷灑土掩血耳殞

寧王宸濠  
反

命獄中是日內旨舒芬等百有七人俱廷杖三十疏  
首謫外任黃鞏等七人俱廷杖五十徐整戍邊鞏震  
良勝潮俱削籍林大輅周敘余廷瓚廷杖五十降級  
外補死杖下者員外陸震主事劉校何遵評事林公  
黼行人司副余廷瓚行人詹軾劉槩孟陽李紹賢李  
惠王翰劉平甫李翰臣刑部照磨劉珪覺十餘人車  
駕竟不出彬等亦知朝廷有人稍畏憚之編夏六月  
寧王宸濠反都御史孫燧按察司副使許遠死之紀  
先是朝廷遣太監賴義駙馬都尉崔元都御史顏頤



壽戒飭宸濠元等方行而京師競傳以為且擒治寧王。宸濠偵稱。謀者日遊卒林華者即兼程逃歸以六月十三日至江西。值宸濠生日宴鎮巡三司等官。聞報大驚。罷宴。遂密召奸黨劉養正劉吉等謀之。養正曰。事急矣。明早鎮巡三司官入謝宴。可就擒之。殺其不附己者。因而舉事。乃夜集鄱陽見一卷賊首吳十三凌十一閔廿四等。飭兵器以候。待且急召致仕侍郎李士實入。以謀反告之。士實唯唯而已。尋各官入謝拜畢。左右帶甲露刃。侍衛者數百人。宸濠出立。

孫燧許遠死節

露臺大言曰。太后有密旨。令我起兵入朝監國。汝等知之乎。都御史孫燧毅然曰。密旨安在。宸濠曰。不必多言。我今往南京。汝保駕否。燧張目直視宸濠。厲聲曰。天無二日。臣安有二君。太祖法制在。誰則敢違。宸濠大怒。命縛燧。衆駭愕。相顧失色。按察司副使許遠大呼曰。孫都御史朝廷大臣。汝反賊。敢擅殺邪。顧燧語曰。我欲先發。不聽。今制於人。尚何言。宸濠并縛之。訊遠且何言。遠曰。惟有赤心耳。豈從汝反。且縛且罵。宸濠喝校尉火信等拽葉燧。遠出惠民門外殺之。遂



馬思聰黃  
宏死節

執御史王金主事馬思聰金山右布政胡濂參政陳  
杲稿劉斐參議許效廉黃宏僉事顧鳳都指揮許清  
白昂并太監王宏俱械鎖下獄。思聰黃宏不食死。劉  
養正常言帝星明江漢間。故屬祝意宸濠。至是與李  
士實謀。令參政季敦效僉事潘鵬師夔持檄吸諭降  
諸郡縣。左布政梁宸廉使楊璋副使唐錦為所勝。移  
咨府部傳檄遠近。革正德年號。指斥乘輿。以李士實  
劉養正為左右丞相。參政王綸為兵部尚書。總督軍  
務大元帥。分遣逆黨婁伯王春等四出收兵。閏廿四

王守仁起  
兵討宸濠

吳十三等奪船順流攻南康今江西。知府陳霖等遁  
走。進攻九江今江西。兵備副使曹雷知府汪穎等亦  
遁。城俱陷。編提督南贛軍務都御史王守仁起兵討  
宸濠。紀先是福州今福建三衛軍人進貴等作亂。兵  
部尚書王瓊知宸濠且反。謂主事應典曰。進貴亂。小  
事。不足煩王守仁。但假此便宜。敕書在彼手中。以待  
他變。可也。乃具題降敕。令守仁查處福州亂軍。故宸  
濠之叛。江西守臣俱遇害被執。惟守仁以往勘福建  
出。六月初九日。自贛起行。十五日。守仁至豐城今江西南



昌府豐城縣知縣顧似弼告宸濠反守仁易服潛至臨江

今江西臨江府知府戴德孺聞守仁至喜迎入城調度守仁

曰臨江居大江之濱與省會近且當道路之衝莫若

抵吉安今江西吉安府為宜遂行庚辰守仁飛報宸濠反王

瓊先見宣言曰有王伯安在何患不久當有捷報耳丁亥

守仁集兵糧傳檄四方諸郡縣知府伍文定等皆至

議所向守仁曰兵家之道急衝其鋒攻其有備皆非

計之得我故示以自守不出之形彼必他出然後尾

而圖之先復省城即南昌府寧都也以搗其巢穴俟彼還兵

張文錦等守安慶

來援然後邀而擊之此全勝之策也宸濠果使人探

守仁不出編秋七月宸濠率兵出江西攻安慶知府

張文錦都指揮楊銳指揮崔文悉力禦之紀宸濠雷

其黨宜春郡王拱櫛同內官萬銳等守南昌自與拱

拚兵李士實劉養正閔廿四等六萬人號十萬以劉

吉為監軍王綸為參贊指揮葛江為都督載其妃媵

字世子從總一百四十餘隊兌出鄱陽見舳後持舵

處京戊戌宸濠趨安慶今江南安慶府張文錦楊銳崔文令軍



三人以忠義激士

士鼓譟登城大罵之宸濠遂留攻安慶時九江南康既陷遠近震駭三人憑孤城以忠義激士誓衆死守僉事潘鵬安慶人也宸濠令鵬遣家屬持書入城諭降崔文手斬之磔尸也裂其尸投城下宸濠令鵬至城下說之文引弓欲射鵬鵬走免文錦卽鵬家盡誅之宸濠盡攻擊之術不能克時朝廷聞宸濠反乃收交通宸濠太監蕭敬泰用盧明都督錢寧優人臧賢尚書陸完等俱下獄籍其家後蕭敬罰二萬金得免泰用陸完謫戍邊餘死獄中編提督南贛軍務都御

王守仁擒宸濠

史王守仁率知府伍文定等攻南昌克之宸濠解安慶圍還兵援江西文定等率兵迎擊大敗之遂擒宸濠江西平紀守仁率文定等起兵會於臨江見樟樹鎮於是知府戴德孺引兵自臨江徐璉引兵自袁州今江西邢珣荷引兵自贛州見上通判胡堯元童琦引兵自瑞州今江西通判談儲推官王暉委徐文英新淦今臨江知縣李美太和今吉安府知縣李楫寧都今贛州府知縣王天與萬安今吉安府知縣縣王冕各以其兵至己酉至豐城見衆議所往或謂



寧王經畫旬餘始出。留備南昌必嚴。攻之恐難猝拔。今寧王攻安慶久不克。兵疲意沮。若以大兵逼之江中。與安慶夾攻之。必敗。寧王敗。南昌不攻自破矣。守仁曰。不然。我師越南昌。下與寧王持江上。安慶之衆。僅能自保。必不能援我於中流。而南昌兵議其後。絕我糧道。南康九江。又合勢乘之。腹背受敵。非利也。不若先攻南昌。寧王久不克安慶。精銳皆出。守禦必單。弱。我兵新集。氣銳。南昌可克也。寧王聞我攻南昌。必解安慶圍。還兵自救。暨來。我師已克南昌。彼聞之。自

奪氣。首尾牽制。此成擒矣。乃令文定等各攻一門。十九日發兵。以二十日昧爽且微明也各至汛信地。守仁下令曰。一鼓附城。再鼓登。三鼓不登。誅。四鼓不登。斬其隊將。又先期為榜入諭城中居民。令各閉戶自守。勿助亂。勿恐懼。逃匿。遂昇預也。對攻具至城下。梯組大索也。而登。城上雖設守。禦聞風倒戈。城門有不閉者。兵遂入。守仁乃入城。撫定之。擒拱櫛及萬銳等十餘人。散遣脅從。城中始安。時宸濠憤安慶不下。方自督兵填壕壕。城下池也。斬。鐵去聲。期在必克。聞守仁率兵



攻南昌大恐李士實等勸宸濠勿還兵舍安慶徑取  
 南京既即大位江西自服宸濠不從解安慶圍移兵  
 泊阮子江先遣兵二萬還援江西宸濠自率大軍繼  
 之二十二日諜之細作報至江西守仁乃集眾議或  
 謂寧王兵盛憑其憤怒悉眾而來我援兵未集勢不  
 能支不若堅壁自守以待四方之援彼久頓堅城之  
 下兵孤援絕將自潰會矣守仁曰寧王兵力雖強然  
 所至徒恃焚掠劫眾以威今進取不能巢穴又覆沮  
 喪退歸眾心已離我以銳卒乘勝擊之彼將不戰自

潰矣是日撫州

今江西撫州府

知府陳槐亦率兵至二十三

日諜報宸濠先鋒已至樵舍守仁乃遣諸將率兵迎  
 擊之令伍文定以正兵當其前余恩繼文定後邢珣  
 率兵繞出賊背徐璉戴德孺張兩翼分擊之諸將各  
 受命出二十四日賊兵乘風鼓譟而前逼黃家渡氣  
 驕甚文定恩佯北致之賊爭進趨利前後不相及珣  
 兵從後急擊橫貫其陣賊敗走文定恩還兵乘之璉  
 德孺兵合勢夾擊賊不知所為遂大潰追奔十餘里  
 擒斬二千餘級溺水死者萬計賊氣大沮退保八字



腦是日建昌

今江西建昌府知府曾璵

等率兵至守仁謂

九江南康不復則道終梗且湖廣援兵不能達乃別

遣陳槐率兵四百合知府林械緘兵攻九江曾璵率

兵四百合知府周朝佐兵攻南康宸濠大賞將士當

先者千金被傷者百金使人盡發南康九江兵至明

日并力合戰官兵敗死者數百人文定急斬先却者

以徇行示也身立砲銃間火焚其鬚鬢不移足士殊死

戰兵復振砲及宸濠舟賊遂大敗擒斬二千餘級溺

水死者甚衆賊復退保樵舍聯舟為方陣盡出其金

火焚鬚鬢不移足

帛賞士文定等乃為火攻之具珣擊其左璉德孺擊

其右恩等分兵四伏期火發兵合明日宸濠朝羣臣

執其不盡力者將斬之爭論未決官兵四集奮擊之

火及宸濠副舟賊復大潰宸濠與諸妃嬪泣別妃嬪

皆赴水死將士執宸濠及其世子郡王并偽丞相元

帥等官李士實劉養正徐吉等數百餘人擒斬賊黨

三千餘級溺水死者約三萬曾璵陳槐亦攻復九江

南康二郡將士執宸濠入江西軍民聚觀歡呼之聲

震動天地宸濠見守仁呼曰王先生我欲盡削護衛



宸濠不用  
婦人言而  
亡國

請降為庶民。可乎？守仁曰：有國法在，遂頓首不言。初，宸濠謀反，妃婁氏泣諫，不聽。及被擒於檻，見四卷五車中泣語，去聲人曰：昔紂用婦人言而亡天下，我以不用婦人言而亡其國，今悔恨何及？守仁為求婁妃尸葬之。  
編八月，帝下詔親征。紀時王守仁擒宸濠捷書未至，諸將各獻擒宸濠之策，上亦欲假親征南遊。太監張永等見錢寧、臧賢事敗，又欲因此邀功，於是上自稱奉天征討威武大將軍鎮國公，邊將江彬、許泰、劉暉、張永、張忠等俱稱將軍，所下璽書改稱軍門檄。吸上

方出師駐蹕，見二卷十五良鄉，今直隸順天府良鄉縣而守仁捷書

至，且慮有沿途竊發，欲自獻俘闕下，奏入，上屢檄止之，令以俘候車駕至。大學士梁儲、蔣冕屢請回鑾，不聽。編九月，帝至南京。紀王守仁發南昌，將獻俘闕下。張忠、江彬等謂當縱之鄱湖，鄱陽湖俟上親與遇戰，而後奏凱，同愷軍論功，屢遣人至廣信，今江西廣信府止之。守仁不得已，乘夜過玉山，今廣信府玉山縣械繫宸濠等，取道由浙河以進。張永已候於杭州，今浙江杭州府守仁至杭，謂永曰：江西之民既經大亂，繼以旱災，又供京邊軍



張永說王守仁

餉困苦既極必逃聚山谷為亂昔助宸濠為脅從今將成土崩之勢然後興兵定亂不亦難乎永深然之乃徐曰吾之此出為羣小在君側調護左右以默輔聖躬非為掩功來也但皇上意將順見上而行猶可挽回萬一若逆其意徒激羣小之怒無救於天下大計矣於是守仁信其無他以宸濠付之乘夜渡浙江在杭州過越江越州今浙西還江西緜命王守仁巡撫江西擢吉安知府伍文定為江西按察司贛州知府邢珣為江西布政司右參政紀初江彬張忠等謀欲奪

張永備言王守仁之忠

功誣守仁初附宸濠及其勢敗然後擒宸濠攘功太監張永知其謀語去聲家人曰王都御史忠臣為國今欲以此害之他日朝廷有事何以教臣子之忠至是永復命先見上備言守仁之忠并江彬等欲害之意彬等毀遂不入張忠又言守仁在杭竟不至南京陛下試名之必不來無君可知上召之守仁即奔命至龍江將進見忠殊失意又從中阻之守仁乃綸關關市野服入九華山在江南池州府永聞之又力言於上曰王守仁忠臣今聞眾欲爭功欲棄其官入山為道士



由是上益信之。乃有是命。**編**冬十二月。宸濠至南京。**紀**上欲自以為功。乃與諸近侍戎服。整軍容。出城數十里。列俘於前。為凱旋狀。既入。囚禁之。

**編**庚辰十五年冬十月。帝自南京班師還京。**紀**先是

上以大將軍鈞帖。令巡撫江西都御史王守仁重上

捷書。守仁節略前奏。入江彬。張忠等姓名於內。上之

疏入。始議北旋。**編**十二月。宸濠伏誅。**紀**上至通州。屬

隸順天府。賜宸濠死。燔其尸。餘黨至京師。磔尸也。裂誅之。

獨抑王守仁功。未叙。

宸濠伏誅

**編**辛巳十六年春正月。帝至京師。**紀**江彬益驕橫。其

所部邊卒。桀驁不可制。**編**加蔣冕少傅。謹身殿大學

士。毛紀少保。武英殿大學士。以石瑄寶為禮部尚書。

兼翰林院學士。掌詹事府。**編**三月。帝崩。皇太后與大

學士楊廷和等定議。奉遺詔。迎立興獻王世子厚。熈

**總****紀**上寢疾豹房。既而大漸。見四卷丙寅。上崩。皇太

后張氏與楊廷和等定議。遵祖訓。兄終弟及之文。乃為

遺詔。遣太監谷大用。韋霖。張錦。壽寧侯張鶴齡。定國

公徐光祚。駙馬都尉崔元。大學士梁儲。禮部尚書毛



江彬伏誅

澄齋金符往安陸

今湖廣安陸府

迎興獻王

興王名祐

四子正德十四年薨諡日獻

世子厚熹

入繼大統

編江彬伏誅紀

初上崩彬偶不在左右皇太后召楊廷和等議恐彬為亂祕不發喪以上命名彬入彬不知上崩并其子入俱收之皇太后下制暴僕彬罪惡論磔於市籍其家金七十櫃銀二千二百櫃金銀珠玉珍寶首飾不可勝升計隱匿奏疏百餘本編夏四月興獻王世子厚熹至京師即位紀詔以明年為嘉靖元年編命禮部會議崇祀興獻王典禮紀禮部尚書毛澄請於大

議崇祀興獻王典禮

學士楊廷和

廷和出漢定陶王

宋濮王事

定陶共王

事在建平元年濮安懿王授之曰此篇為據異議者

即奸諛當誅澄會公卿臺諫等官六十餘人上議漢

成帝立定陶王為嗣以楚孝王孫景為定陶王奉共

王祀今上入繼大統宜以益王子崇仁主後興國其

崇號則襲宋英宗故事以孝宗為考興獻王及妃為

皇叔父母祭告上箋稱姪署名而合崇仁主考興獻

王叔益王上覽曰父母可互易若是邪其再議編五

月葬康陵太保兼武英殿大學士梁儲致仕以



王守仁封  
新建伯  
張聰上大  
禮疏

袁宗臯為禮部尚書兼文淵閣大學士。遣中官迎  
帝母興獻妃。以彭澤為兵部尚書。編名王守仁為  
南京兵部尚書。封新建伯。編秋七月。觀政進士張聰  
上。大禮疏。紀聰疏曰。朝議謂陛下入嗣太宗。宜稱  
孝宗皇帝為皇考。改稱興獻王為皇叔父。王妃為皇  
叔母者。不過拘執漢定陶王宋濮王故事耳。夫漢哀  
宋英皆預立為皇嗣而養之於宮中。是明為人後者  
也。故師丹司馬光之論施於彼一時。猶可。今武宗皇  
帝已嗣孝宗十有六年。比於崩殂而廷臣遵祖訓奉

遺詔。迎取陛下入繼。大統遺詔直曰興獻王長子倫  
序當立。初未嘗明著為孝宗後。比之預立為嗣。養之  
宮中者較覺甚明也不同。夫興獻王往矣。稱之以皇  
叔父。鬼神固不能無疑也。今聖母之迎也。稱皇叔母  
則當以君臣禮見。恐子無臣母之義。禮長子不得為  
人後。况與獻王惟生陛下一人。利天下而為人後。恐  
子無自絕父母之義。故陛下為繼統武宗。而得尊崇  
其親。則可。謂嗣孝宗以自絕其親。則不可。臣竊謂今  
日之禮。宜別為興獻王立廟。京師使得隆尊親之孝。



書生焉知國體

且使母以子貴。曾與父同。則興獻王不失其為父。聖母不失其為母矣。疏入。上遣司禮監官送至內閣。諭曰。此議實遵祖訓。據古禮。爾曹何得悞朕。楊廷和曰。書生焉知國體。復持入。上熟覽之。喜曰。此論一出。吾父子必終可完也。編九月。興獻王妃至通州。紀帝母至通州。見聞朝廷欲考孝宗。惠曰。安得以我子為人之子。謂從官曰。爾曹已極寵榮。獻王尊稱。胡猶未定。因留通州不入。上聞之。涕泗目出日涕不止。啓慈聖皇太后願避位奉母歸。羣臣惶懼。編冬十月。興獻

后。至自通州。紀先是楊廷和見追崇興獻之禮。勢不得已。乃草敕下禮部曰。聖母慈壽皇太后懿旨。以朕續承大統。本生父興獻王宜稱興獻帝。母宜稱興獻后。憲廟貴妃邵氏稱皇太后。仰承慈命。不敢回違。帝從之。廷和意假母后示非廷議意也。至是興獻后自通州至京師。由大明中門入。上迎於闕內。廷和以追崇禮成。擬上慈壽皇太后及武宗皇后尊號。帝因遣司禮監諭廷和曰。邵太后興獻帝后亦各擬上尊號。廷和等上言不可。宜俟明年大婚禮成。慶宮闈加之。



張生此論  
聖人不易

可也。編十二月除張璠南京刑部主事。紀先是帝下  
大禮或問於禮部時楊一清家居遺去聲書吏部尚書  
喬宇曰張生此論聖人不易恐終當從之宇不聽至  
是楊廷和銜憾也璠授意吏部除為南京主事石璠  
語璠曰慎之大禮說終當行也璠怏怏而去編起林  
俊為工部尚書紀都御史林俊致仕家居楊廷和寓  
書於俊以定國是俊上疏曰孔子謂觀過知仁陛下  
大禮未協過於孝故耳司馬光有言秦漢而下入繼  
大統或尊崇其所生皆取譏當時貽笑後世陛下純

楊廷和等  
諫加興獻  
皇號

德何忍襲之疏入留中廷和遂奏起林俊為工部尚  
書編帝下御札諭加興獻帝后以皇字大學士楊廷  
和等乞罷歸不報紀廷和等上言漢宣帝繼孝昭後  
追諡史皇孫王夫人衛太子納史良娣生子進號史  
即宣皇孫皇孫納王夫人生子病已帝曰悼考悼后而已光武上繼元帝鉅鹿南頓君  
鉅鹿都尉回生南頓令欽欽娶樊氏女生秀即光武以上立廟章陵而已皆未  
嘗追尊今日興獻帝后之加較之前代尊稱已極若  
加皇字與慈壽孝廟並是忘所後而重本生任私恩  
而棄大義臣等不得辭其責吏部尚書喬宇等奏曰



皇者正統大義。若加皇字於本生之親，則與正統溷。  
魂去聲。亂也。而無別揆之天理，則不合。驗之人心，則不安。  
非所以重宗廟正名分也。上曰：慈壽皇太后懿旨，有  
諭。今皇帝婚禮將行，其與獻帝宜加與皇號，毋與獻  
皇太后。朕不敢辭，爾羣臣其承后命。廷和等見不可  
爭，乃俱求罷歸，不報。

尺木堂明鑑易知錄卷之七

尺木堂明鑑易知錄卷之八

周之炯靜專

上虞朱國標聖懷鈔 山陰吳乘權楚材同輯

周之燦星若

明紀

世宗肅皇帝

名厚熹。孝宗弟。興獻王祐杭之子。憲宗孫也。武宗崩無嗣，太后與大臣迎立之。在位四十五年。壽六十歲而崩。

編壬午。世宗皇帝嘉靖元年春正月，郊祀甫畢，清寧宮小房災。已。楊廷和、蔣冕、毛紀、費宏上言：火起風烈。



五星聚營  
室  
桂萼上正  
大禮疏

此殆天意。況追清寧後殿。豈興獻帝后之加稱。祖宗神靈。容有未悅乎。上乃議稱孝宗為皇考。慈壽皇太后為聖母。興獻帝后為本生父母。而皇字不復加矣。  
[編] 三月上。孝宗太后尊號曰昭聖慈壽皇太后。武宗皇后曰莊肅皇后。聖祖母邵氏曰壽安皇太后。本生父曰興獻帝。母曰興國太后。  
[編] 秋九月。立妃陳氏為皇后。鴻臚寺卿陳萬言之女也。  
[編] 冬十一月。壽安皇太后邵氏崩。  
[編] 癸未二年春正月。五星聚于營室。  
[編] 南京刑部主事桂萼上正大禮疏。  
[紀] 萼大略言陛下入繼大統。非

桂萼錄帶  
書二疏

為人後。當考興獻帝。母興國太后。并錄巡撫湖廣都御史席書吏部員外郎方獻夫二疏。  
立廟於大內。慈聖應稱曰皇母某后。不可以興獻字加之。獻夫疏請稱孝宗曰皇伯。稱興獻帝曰皇考。別立廟祀之。二疏俱中沮。不果。  
以聞。下羣臣集議。  
[編] 秋九月。刑部尚書林俊致仕。冬十一月。少師吏部尚書華蓋殿大學士楊廷和致仕。  
[編] 甲申三年春三月。詔奉興獻帝為本生皇考。恭穆獻皇帝興國太后為本生母。章聖皇太后。  
[編] 夏五月。前戶部尚書武英殿大學士王鏊卒。六月。以張璁



何孟春等  
諫去本生  
二字

桂萼方獻夫為翰林院學士。少傅蔣冕致仕。以石瑄為文淵閣大學士。編秋。七月。逮學士豐熙等百三十有四人下獄。吏部右侍郎何孟春等八十有六人。命待罪。紀先是上命內閣蛤擬撰本生聖母章聖皇太后冊文。至是上采張璁桂萼議。諭大學士毛紀等。去冊文本生字。紀等力言不可。上召百官至左順門。敕曰。本生聖母章聖皇太后。今更定尊號曰聖母章聖皇太后。何孟春與尚書秦金學士豐熙等及翰林寺部臺諫諸臣各上言。力爭本生二字不宜削。章

仗節死義  
在今日  
萬世瞻仰  
在此舉

十三上俱。國中不報。戊寅上朝。罷齋居文華殿。尚書金獻民徐文華倡言曰。諸疏留中必改。孝宗為伯考。則太廟無考。正統有間矣。孟春日。憲宗朝尚書姚夔率百官伏哭文華門。爭慈懿皇太后葬禮。憲宗從之。見六此國朝故事也。脩撰楊慎廷和子曰。國家養士百五十年。仗節死義。正在今日。給事中張翀充王元正等。遂遮留羣臣於金水橋南。曰。萬世瞻仰。在此一舉。今日有不力爭者。共擊之。孟春獻民文華復相號召。於是秦金等凡二十有三人。豐熙等凡二十人。謝黃



焚等凡十有六人。余翺等凡三十有九人。馬理等凡十有二人。黃待顯等凡三十有六人。余才等凡十有二人。陶滋等凡二十人。相世芳等凡二十有七人。趙儒等凡十有五人。母德純等凡十有二人。俱赴左順門。跪伏有大呼高皇帝孝宗皇帝者。上聞之。命司禮監諭退。不去。金獻民曰。輔臣尤宜力爭。禮部侍郎朱希周。乃詣內閣告毛紀。紀與石瑄遂赴左順門。跪伏。上復遣司禮監諭之。退。羣臣仍伏不起。自辰迨午。上怒。命司禮監錄諸姓名。收繫諸爲首者。豐熙張翀。

與聲震闕廷

余寬黃待顯陶滋相世芳母德純等八人於獄。楊慎王元正乃撼門大哭。一時羣臣皆哭。聲震闕廷。上大怒。遂命逮見二卷六繫馬理等凡一百三十有四人於獄。何孟春等八十有六人。姑令待罪。總二百有二十人。命拷訊豐熙等八人。編伍。其餘四品以上者。俱奪俸五品以下者。杖之。於是編脩王相等一百八十餘人。各杖有差。編詔上本生皇考恭穆獻皇帝尊號曰皇考恭穆獻皇帝。本生聖母章聖皇太后曰聖母章聖皇太后。紀初給事中陳洸光言事忤旨。出爲按察司。



建世廟

僉事。至是上言曰。陛下察幾致決。毅然去本生二字。有人心者。咸謂始全父子之恩。無不感泣。上悅。復以洗為給事中。逮繫脩撰楊慎。編脩王元正。給事中劉濟。御史張原等於詔獄。復撲之。謫楊慎。王元正。劉濟。戍邊。何孟春調南京工部。毛紀罷。編八月。以吏部左侍郎兼翰林院學士掌詹事府賈誄為禮部尚書兼文淵閣大學士。編九月。詔稱孝宗敬皇帝曰皇伯考。昭聖皇太后曰皇伯母。編乙酉。四年春。三月。建獻皇帝廟。是為世廟。編冬。十二月。

席書上大禮集議

席書上大禮集議紀。上命頒賜藩府及中外羣臣。仍令各省刊布以傳。編進費宏少師謹身殿大學士。石瑄賈誄並太子太保武英殿大學士。編丙戌。五年夏。六月。進費宏華蓋殿大學士。起楊一清少師謹身殿大學士。石瑄賈誄並進少保。編秋。九月。帝奉章聖皇太后謁。見世廟。編丁亥。六年春。二月。少保武英殿大學士石瑄致仕。以少保席書為武英殿大學士。尋卒。編夏。四月。大學士費宏致仕。以禮部右侍郎翟宅鑾入閣辦事。編以



霍韜訟王守仁疏

新建伯王守仁為兵部尚書總制兩廣及江西湖廣軍務紀初田州土官岑猛反總督兩廣都御史姚鏌莫討之猛奔歸順州知州岑璋誅之已而猛黨盧蘇王綬復叛御史石金誣奏鏌輕信寡謀安攘無術上怒落鏌職命王守仁代之編秋八月進楊一清華蓋殿大學士以張璁為禮部尚書文淵閣大學士編戊子七年夏五月提督兩廣軍務王守仁討廣西叛蠻平之紀捷聞桂萼忌之論守仁挾詐專兵禮部尚書霍韜上疏曰伏遇聖明特起王守仁撫勦田州

命下之日臣竊為守仁計曰前巡撫調三省兵若干萬軍餉支費若干萬殺死疫死民兵若干萬僅得田州安靖五十日自是而思恩叛矣守仁乘此大壞極敝之後雖合四省兵力支銀米數百萬勦平報級亦且曰天下大功也而守仁不役一卒不費斗糧只宜揚聖德遂令稽首來服若八寨斷藤峽之賊又非田州思恩可比廣西在萬山之中土惡水迅氣習凶悍八寨賊洪武間所不能平斷藤峽賊成化初僅得討平餘孽復熾今守仁沉機不露掩賊不備一舉蕩



平百數十年虎豹窟穴掃而清之如拂塵然臣是以  
 歎服守仁能體陛下之仁以懷綏思恩田州向化之  
 民能體陛下之義以討服八寨斷藤峽梗化之賊不  
 以為功反以為罪可乎守仁擒宸濠奸臣許泰等欲  
 掩其功揚言守仁初與賊同謀又謂宸濠金帛守仁  
 滿載以去當時閣臣亦忌守仁之功不為辨白臣謂  
 守仁江西之功不白無以勸效忠之臣廣西之功不  
 白無以勸策勳之臣守仁大臣也豈以功賞有無為  
 重輕哉第恐當時有功之人及守官立功之人視此

明倫大典  
 成  
 追奪議禮  
 諸臣官啟

解體則在外鎮臣遂無所激勸矣疏奏不報編六月  
 明倫大典成加張璁少傅兼太子太傅吏部尚書謹  
 身殿大學士紀追奪議禮諸臣官敕曰大學士楊廷  
 和謬主濮議尚書毛澄不能執經據禮蔣冕毛紀轉  
 相附和林俊著論迎合喬宇為六卿之首乃與九卿  
 等官交章妄執注俊繼為禮部仍注邪議吏部郎中  
 夏良勝脅持庶官望遂邪志何孟春以侍郎掌吏部  
 鼓舞朝臣伏闕喧呼朕不欲已甚姑從輕處楊廷和  
 為罪之魁法當僇市特寬宥削籍為民毛澄林俊俱



林希元荒政叢言

已病故各奪其生前官職。蔣冕毛紀喬宇江俊俱已致仕。各奪職閑住。何孟春情犯特重。夏良勝釀娘去聲禍獨深。俱發原籍為民。爾禮部揭示承天門下。俾在外者咸自警省。**編**多。十月。皇后陳氏崩。閏月立妃張氏為皇后。  
**編**已丑。八年春二月。新建伯兵部尚書兼都察院左都御史王守仁卒于南安。後贈侯諡文成**編**三月。前大理寺評事林希元上荒政叢言。紀其言曰。救荒有二難。得人難。審戶難。有三便。極貧民便賑米。次貧民便賑錢。

稍貧民便賑貸。有六急。垂死貧民急。餓粥疾病貧民急。醫藥病起貧民急。湯水已死貧民急。埋瘞意遺棄小兒急。收養輕重繫囚急。寬恤有三。權權借官錢以糶糴。權興工作以助賑。權貸牛種以通變。有六禁。禁侵魚。禁攘盜。禁遏糶。禁抑價。禁宰牛。禁度僧。有三戒。戒遲緩。戒拘文。戒遣使。上以其切於救民。皆從之。**編**秋七月。以少保吏部尚書兼翰林院學士桂萼為武英殿大學士。九月。少師吏部尚書華蓋殿大學士楊一清致仕。



改號孔子  
為先師易  
像為主

三途並用

編庚寅九年秋八月致仕大學士楊一清卒。編冬十月改號孔子為先師。易像為主。十二月桂萼致仕。編辛卯十年春正月帝改張璠名孚敬。字懋恭。御書賜之。編詔三途並用。紀詔吏禮二部循洪武十九年以後弘治十一年以前例。三途並用務在得人。以稱朕用賢之意。編夏六月以少保吏部尚書兼翰林院學士方獻夫為武英殿大學士。閏月雷震午門西角樓。編張孚敬致仕。尋遣行。編秋九月以太子太保禮部尚書兼翰林院學士李時為武英殿大學士。

馮恩妙三  
姦

編壬辰十一年春二月進張孚敬華蓋殿大學士。編秋七月彗星。見上。見東井東北行。歷天津掃太微垣。見同。詔羣臣脩省。編八月張孚敬致仕。尋名。編以汪鉉為吏部尚書加太子太保。編冬十月下御史馮恩獄。紀恩上疏劾張孚敬汪鉉方獻夫曰。張孚敬之姦久露。汪鉉方獻夫之姦不測。陛下去孚敬而不去此二人。天下事未可知也。臣謂孚敬根本之彗也。鉉腹心之彗也。獻夫門庭之彗也。乞斬三姦以應更新之象。上怒。下恩獄。



吳山獻白鹿  
陳軾獻白兔

編癸巳十二年春正月進張孚敬少師方獻夫致仕

編河南巡撫吳山獻白鹿編夏四月應天巡撫陳軾

獻白兔秋九月以張孚敬攝都察院事

編甲午十三年春正月廢皇后張氏立德妃方氏為

皇后

編乙未十四年春正月莊肅皇后武宗崩編夏四月

張孚敬罷召費宏入閣秋九月汪鋌罷

編丙申十五年秋九月進李時少師謹身殿大學士

編冬十一月少師費宏卒編十二月以南京吏部尚

嚴嵩至即受貨賄

書嚴嵩為禮部尚書兼翰林院學士紀時禮部選譯

亦通夷夏字諸生嵩至即受貨賄已而苞苴裹日者必苞苴之過多更高其價御史桑喬列其狀請

罷黜之嵩乃疏辨求免給事中胡汝霖復劾其穢行

既彰招致論列不得飾辭自明以傷大體帝乃令以

後大臣被劾宜自省脩勿得疏辨嵩懼益為恭謹以

媚上編進李時華蓋殿大學士以少傅禮部尚書兼

翰林院學士夏言為武英殿大學士

編丁酉十六年夏五月雷震謹身殿



豐坊請獻廟稱宗

嚴嵩復阿上旨

編戊戌十七年秋八月以禮部尚書掌詹事府顧鼎臣為文淵閣大學士。編九月追尊太宗文皇帝為成祖。皇考獻皇帝為睿宗。紀初通州致仕同知豐坊上言請復古禮尊皇考獻皇帝廟號稱宗以配上帝。下禮部集議嚴嵩上言萬物成形於秋故王者秋祀明堂以父配之自漢武追唐宋諸君莫不皆然主親親也若稱宗之禮則未有帝宗而不耐太廟者恐皇考有所不寧上悅已而嵩復阿上旨請尊文皇帝稱祖獻皇帝稱宗上從之乃尊文皇帝為成祖獻皇帝

景雲見

方士陶典真一名仲文

為睿宗配上帝詔天下。編冬十二月少師華蓋殿大學士李時卒。編章聖皇太后蔣氏崩。編己亥十八年春正月立皇次子為皇太子。進夏言少師顧鼎臣少保武英殿大學士。編二月景雲見。紀夏言顧鼎臣以聞嚴嵩請上御朝受羣臣賀嵩乃作慶雲賦及大禮告成頌上之詔付史館。編詔請承天府。今安陸府見。視顯陵。睿宗陵也。編車駕發京師。編三月以方士陶典真為神霄保國宣教高士。紀典真一名仲文。黃岡。今湖廣黃州府黃岡縣人。少為縣掾。視喜神仙方



致一真人  
邵元節

術嘉靖初授遼東庫大使秩滿至京師時致一真人  
邵元節貴幸會宮中黑眚生上見皆妖元節治之無  
驗遂薦仲文代已試宮中稍能絕妖上寵異之至是  
扈戶駕南巡至衛輝今河南白晝有旋風繞駕不散  
上以問仲文對曰當火遣仲文禳之仲文曰火終不  
免可謹護聖躬耳是夜行宮果災宮中死者無算錦  
衣陸炳排闥入負帝出竟無恙明日敕行在天子以  
家故行日乘吏部授仲文是職給誥印許攜其家於  
官與止日行在編夏四月車駕至承天府紀上至承天居卿同慶

宮辛巳詣純德山顯陵在焉降輦連上稽首甲申享上帝

於龍飛殿奉皇考配閱陵畢詔告天下壬辰車駕發

承天編五月帝還京編以翟鑿為禮部尚書武英殿

大學士

編庚子十九年春二月京城黃霧四塞編秋七月授

方士段朝用紫府宣忠高士冬十月大學士顧鼎

臣卒編十一月進陶仲文為忠孝秉一真人領道教

事紀尋加少保禮部尚書又加少傅食一品俸

編辛丑二十年夏四月九廟災紀時久暘陽不雨是

進陶仲文  
為忠孝秉  
一真人  
九廟災



葉經劾嚴嵩

日初昏陰雨驟至大雷電以風忽震火起仁廟烈風  
 噓也之須臾燬其主延及成祖主亦燬遂及太祖昭  
 音穆羣廟惟獻廟獨存編御史葉經劾嚴嵩罪赦弗  
 治紀交城王絕輔國將軍表袖謀襲之遣校尉任得  
 貴至京以黃白金三千兩賂嚴嵩復賂儀制司令史  
 徐旭及王府科胥人皆受焉嵩乃題覆從之東廠邏  
 羅去聲卒執其籍以聞下法司問受賂者皆戍邊嵩  
 無恙既而求壽共和王庶子惟熿與嫡孫懷燔爭立  
 以白金三千賂嵩亦受之為覆允求壽莊僖王妃遣

人擊登聞鼓

登聞院懸鼓以達寃人

奏訴於是御史葉經劾嵩

貪狀乞賜敕正嵩急歸誠於上上憫之乃曰表袖惟  
 熿襲爵應否行所司勘之嵩安心任事勿以介意編  
 秋八月昭聖皇太后崩

嚴嵩入閣

編壬寅二十一年夏六月大學士夏言罷進翟鑿  
 少傅謹身殿大學士編秋八月以禮部尚書嚴嵩為  
 武英殿大學士參預機務仍掌部事紀吏科都給事  
 中沈良材御史童漢臣等首論嵩奸汗不當乘君子  
 之器南京給事中王曄御史陳紹等復論嵩拜其子



世蕃同惡相濟。關通苞苴。見動以千百計。嵩疏辨乞休。上優詔慰留之。

宮婢謀弒

編癸卯二十二年春二月。段朝用伏誅。編宮婢楊金

英等謀弒帝。伏誅。紀上曰。朕非賴天地鴻恩。遏除宮

白鶴翔空

變焉。有今茲。朕晨起至醮。朝天宮七日。醮之日。白鶴

下周怡獄

四十餘翔空中。羣臣賀。編夏四月。下給事中周怡獄

紀。嚴嵩既入內閣。蛤竊弄威權。內外百執事有所建

白。俱先白嵩。許諾。然後上聞。於是副封。謂諸上書者皆為二封。署

其一曰副。執政先發副。封所言不善。屏去不奏。苞苴輻輳其戶外。大學士翟

殺葉經

鑿位望先嵩而勢實不競。遂至不相能。不相善也。周怡上

疏論之。語多侵嵩。疏入。下怡獄。已而鑿以二子倖第

削籍去。編秋九月。殺山東巡按御史葉經。紀初經劾

嚴嵩受表柚。惟熿賂嵩銜。鹹也。之。及經監山東鄉試。

嵩摘試錄中有諷上語。激帝怒。逮之。至京杖闕下死。

布政使陳儒以下皆遠謫。自是中外益側目畏嵩矣。

編甲辰二十三年秋八月。以吏部尚書許讚禮部尚

書張璧為文淵閣大學士。編冬十月。加秉一真人禮

部尚書陶仲文為少師。紀大同邊卒獲叛人王三。上



陶仲文兼  
總三孤

曰。叛惡就擒。固義勇之効力。實神鬼有以默戮也。并力  
之。遂加仲文為少師。其少傅少保如故。前此大臣無  
兼總三孤如仲文者。

**編**乙巳二十四年春三月。以嚴世蕃為尚寶司少卿。

**編**秋七月。太廟成。布詔天下。**編**冬十一月。許讚削籍。

去。**編**十二月。復召夏言入閣。紀自嚴嵩入相。同事者

多罷去。嵩獨相。以太廟工成。加太子太師。後上微聞

其橫厭之。於是詔起夏言。言至。盡復其原官。且加少

師。位在嵩上。嵩甚恨之。是時嵩子世蕃為尚寶司少

卿。通賂遺去。且代輸戶轉納錢穀多所賂宣。削前。漢

舒傳。民日言知之。欲以上聞。嵩懼甚。挈世蕃詣言求

哀。言稱疾不出。嵩賂其門者直走。言榻下。及世蕃長

跪泣謝。言遂置不發。嵩父子愈恨之。

**編**丁未二十六年秋七月。以尚寶司少卿嚴世蕃為

太常寺少卿。仍掌尚寶司事。紀世蕃納賄日盛。嵩憚

夏言知之。乃疏遣世蕃歸。上特命馳驛往還。世蕃益

橫。**編**冬十一月。皇后方氏崩。

**編**戊申二十七年春正月。夏言罷。紀嚴嵩既忌言。都



督陸炳亦怨言持已

先是御史陳其學以鹽法論都督陸炳言擬旨令陳狀炳詣言

請死有所進

陰比嵩圖之

會都御史曾銑

先上議復

河套言主之而嵩則極言其不可語頗侵言會澄城

山崩裂又京師大風上疑言以套議與嵩嵩因詆言

擅權自用及退復上疏劾銑開邊啓釁言雷同

曲禮母雷

同注聞人之言而附和之謂之雷同如雷之發聲而物同應之也

誤國并自求去甚

力上溫旨留嵩而切責言於是吏部尚書聞淵禮部

尚書費宗左都御史屠僑皆謂言誤國上乃命緹騎

見上捕銑至京因盡奪言師傅俾以尚書致仕

編三

殺曾銑

月殺都御史曾銑紀銑既被逮嚴嵩復令仇鸞許之

刑部侍郎詹瀚等阿嵩意謂銑行賄夏言論斬棄西

市編冬十月殺大學士夏言紀先是言既歸舟至丹

陽復就逮至京上疏極陳為嚴嵩所陷帝不聽刑部

尚書喻茂堅等據曾銑律以請而謂言實當八議見

卷十所謂議貴議能者上怒責茂堅等阿附言值居庸

關名在直隸順天府城北報警嵩復以開釁力持竟坐與銑交通

律棄西市言既死大權悉歸嵩矣編十二月謫給事

中厲汝進為典史紀汝進劾嚴嵩及其子世蕃奸惡

殺夏言

謫厲汝進



謫為典史尋以大計削籍

編己酉二十八年春二月以南京吏部尚書張治為

文淵閣大學士國子祭酒李本入閣蛤辦事編三月

皇太子薨諡曰莊敬編冬十月以夏邦謨為吏部尚書

編庚戌二十九年夏六月以仇鸞為宣大總兵紀以

重賂嚴世蕃得之編秋八月俺荅薄博都城謫司業

趙貞吉于嶺南紀俺荅入犯宣府由薊計州屬順入

古北口在薊鎮轉掠懷柔順義二縣俱屬順天府遂逼通州屬

天復自北河東渡直薄逼也京師令人持書入朝求入

俺荅薄都城

貢言多悖慢上召嚴嵩及禮部尚書徐階於西苑曰

事勢至此奈何嵩曰此窮寇乞食耳毋足患上曰何

以應之嵩無以對乃命階集羣臣議司業趙貞吉抗

言其不可上壯之予金五萬募戰士而敕中無督戰

語不得統攝諸將因謁嵩嵩故與貞吉有隙辭貞吉

怒會通政趙文華趨入謂曰公休矣天下事當徐議

之貞吉愈怒罵曰汝權門犬何知天下事叱守門者

嵩大恨已而貞吉單騎出城徧諭諸營將諸將皆感

奮仇鸞統大同軍入援肆掠畿甸有詔勿問俺荅大

趙貞吉怒罵趙文華



嚴嵩給丁汝夔

掠金帛子女而還。鸞率諸鎮兵尾之。俺荅阨險不得出。乃稍棄餘物。從東南行。至昌平。今順天府昌平州。猝與鸞兵遇。縱騎蹂躪。踏也。踐。幾獲鸞。遂循古北口故道出塞。論功。進鸞太保。嵩論貞吉狂誕。謫戍嶺南。編殺兵部尚書丁汝夔。紀初俺荅薄都城。嚴嵩授汝夔計。謂地近喪師。難掩。當令諸將勿輕戰。寇飽自去。諸將固怯戰。輒相謂曰。有禁勿戰。故民間歸罪汝夔。詔收之。嵩恐露前畫。給台上声誑也。曰。毋慮。吾為若地。汝夔信之。弗自白。論死。臨刑大呼曰。賊嵩誤我。遂棄市。編冬十

三輔

杖沈鍊于闕廷

一月。以易州。屬直隸保定府。昌平州。俱屬順天府。通州。俱屬順天府。為三輔置

經略大臣。

編辛亥三十年春正月。杖錦衣衛經歷沈鍊于闕廷。紀初俺荅薄都城。求通貢。趙貞吉以為不可。鍊在眾中。申貞吉指不休。吏部尚書夏邦謨目之曰。何小吏而言若是。鍊曰。大吏不言。故小吏言之。已而上疏。請以萬騎護陵寢。萬騎護通州軍儲。而合勤王師。邀擊其惰歸。必大捷。時嚴嵩數朔寢格。閣邊檄。吸不以上聞。故鍊書奏不報。鍊乃抗疏言。嚴嵩受國重任。貪婪



盧舍反。愚鄙不聞諂諛。鄒方略治國安邊。惟與子

世蕃為全家保妻子計。以朝廷之賞罰為已出。故人

皆計嵩愛憎。不知朝廷恩威。因歷數其十大罪。請

戮之。以謝天下。詔以鍊詆誣大臣。廷杖之。謫田去保

安。今直隸保安州。編三月。大計京官。紀嚴嵩授指吏部。中傷

善類甚眾。初刑部郎中徐學詩以劾嵩父子被斥。至

是削籍。并黜其兄中書舍人應豐。吏部奏上。上察其

枉。留之。然亦不問。編貶兵部車駕司員外郎楊繼盛

為狄道縣典史。紀仇鸞密遣家丁時義結俺荅義子

沈鍊數嚴嵩十大罪

敗楊繼盛為狄道典史

脫脫使貢馬互市。俺荅利貨幣。譯見上書送總督蘇

祐。祐以聞。鸞與嚴嵩贊成之。上乃許。繼盛上疏極言

其不可。下內閣嵩等議。未決。鸞曰。豎汝子不知兵。宜

其易之。密疏詆繼盛阻撓邊計。上意遂中變。詔逮繼

盛。下錦衣衛獄。貶狄道縣屬陝西臨洮府典史。編夏四月。開

馬市于大同。編壬子三十一年春正月。俺荅寇大同。二月。罷馬

市。三月。以少保禮部尚書兼翰林院學士徐階為

東閣大學士。編秋七月。俺荅寇薊州。仇鸞伏誅。紀俺

仇鸞伏誅

開馬市于大同

仇鸞伏誅



王宗茂論嚴嵩大罪八  
趙錦請罷嚴嵩以應天變

荅寇薊州。時仇鸞患疽，請輿疾督戰，詔兵部尚書趙錦收鸞大將軍印綬，以總兵官陳時代代之。鸞聞命大恚而死。徐階因奏鸞通敵誤國，詔剖棺戮屍，全家斬於市，沒其資產。編冬十月，謫御史王宗茂為平陽縣丞。紀宗茂疏論嚴嵩負國大罪八，上謂其狂率，遂謫。編癸丑三十二年春正月日食，紀巡按御史趙錦請罷嚴嵩以應天變。上怒，命逮錦繫錦衣獄。久之，削籍為民。編兵部員外郎楊繼盛上疏劾嚴嵩坐絞繫獄。紀初仇鸞既誅，上思繼盛言，自貶所，月餘遷主事。隨

楊繼盛劾嚴嵩疏略

遷兵部武選司員外。至是上疏論嚴嵩十大罪五。略曰：方今在外之賊為俺荅，在內之賊惟嚴嵩。賊有內外，攻宜有先後，未有內賊不去而外賊可除者。故臣請誅賊嵩當在勦絕俺荅之先。嵩之罪惡，徐學詩沈鍊、王宗茂等論之已詳，然皆止言其貪汙之小，而未嘗發其僭竊之大。去年春雷久不聲，占云大臣專政，夫大臣專政，孰有過於嵩者？又冬日下有赤色，占云下有叛臣，凡心背君者皆叛也。夫人臣背君，又孰有過於嵩者？如四方地震，與夫日月交食之變，其災



皆感應賊嵩之身。乃日侍左右而不覺。上天警告之心亦恐息且孤矣。不意陛下聰明剛斷。乃甘受嵩欺。人言不信。雖上天示警亦不省悟。以至於此。臣敢以嵩之專政叛君十大罪為陛下陳之。我太祖高皇帝詔罷中書丞相而立五府九卿分理庶政。殿閣之臣惟備顧問視制草。故載諸訓有曰。建言設立丞相者。本人陵遲。全家處死。及嵩為輔臣儼然以丞相自居。挾一人之權。侵百司之事。凡府部題覆。先面稟而後敢起。稟嵩之直房。百官奔走如市。府部堂司。嵩指使

壞祖宗之  
成法

竊君上之  
大權

絡繹不絕。一或少違。顯禍立見。及至失事。又駕罪於人。是嵩無丞相之名。而有丞相之權。有丞相之權。而無丞相之責。壞祖宗之成法。一大罪也。權者。人君所以統御天下之具。不可一日下移。嵩以票標本自在。遂作威福。用一人。即先謂曰。我薦之也。罰一人。則又號於衆曰。此得罪於我。故報之也。羣臣感嵩甚於感陛下。畏嵩甚於畏陛下。竊君上之大權。一大罪也。人臣善則稱君。過則歸己。今陛下苟有一善。嵩必令子世蕃傳於人曰。上故無此意。我議而成之。將聖諭及



掩君上之治功

縱姦子之僭竊

萬所進揭帖。刻板頒行。名曰嘉靖疏義。欲使天下後世。謂陛下所行之善。盡出於彼。而後已。掩君上之治功。三大罪也。陛下之令。嵩票本。蓋取君逸臣勞之義。嵩何所取。而令子世蕃代票。又何所取。而約諸義子。趙文華等羣會。而擬題疏方上。滿朝紛然。既下。若合符契。如錦衣衛經歷沈鍊劾嵩疏。發大學士李本擬旨。本即叩之世蕃。乃同趙文華自擬以上。此人所共知也。嵩既以臣而弄君之權。世蕃復以子而弄父之柄。京師有大丞相小丞相之謠。縱姦子之僭竊。四大

冒朝廷之軍功

引悖逆之奸臣

罪也。邊事廢壞。皆原於功罪賞罰之不明。嵩為輔臣。欲令孫冒功於兩廣。故置其表姪歐陽必進為總督。朋奸比黨。將長孫嚴效忠。冒征蠻功。奏捷。遂陞鎮撫。效忠告病。嚴鵠襲代。如陞錦衣千戶。效忠鵠皆世蕃。參庶養乳臭子。冒朝廷之軍功。五大罪也。仇鸞總兵甘肅。以貪虐論革。世蕃乃受鸞重賄。薦為大將。後知陛下疑鸞。遂互相誹謗。以掩初迹。是通寇者逆鸞。而受賄引用鸞者。嵩與世蕃也。進不肖蒙顯戮。引悖逆之奸臣。六大罪也。俺荅犯內深入。兵法擊其惰歸。嵩



誤國家之軍機

亂黜陟之大柄

乃曰京邊不同勢。敗於邊可掩。敗於京不可掩。且俺  
荅飽自退耳。故丁汝夔傳令不戰。及汝夔臨刑而後  
知為嵩所給。誤國家之軍機。七大罪也。刑部郎中徐  
學詩以劾嵩世蕃革任為民矣。又於考察京官之時。  
罷其兄中書舍人徐應豐戶科給事中厲汝進以劾  
嵩世蕃降為典史矣。又於考察外官之時。逼吏部削  
汝進籍。夫考察巨典也。陛下持之以激勵天下之人。  
心。賊嵩竊之以中傷天下之善類。亂黜陟之大柄。入  
大罪也。府部之權皆撓於嵩。而吏兵二部尤大利所

失天下之人心

壞天下之風俗

嚴嵩五奸

在將官既納賄於嵩。不得不剝削乎軍士。有司既納  
賄於嵩。不得不濫取於百姓。陛下雖累加撫卹。豈足  
以當嵩殘虐之害。臣恐天下之患不在塞外而在域  
中。失天下之人心。九大罪也。先朝風俗淳厚。近自逆  
瑾劉瑾用事。始一少變。至嵩為輔臣。守法度者以為回  
滯。尚巧猾者以為通材。勵節介者以為矯激。善奔走  
者以為練事。風俗之壞。未有甚於此者。壞天下之風  
俗。十大罪也。嵩有十大罪。昭人耳目。以陛下之神聖  
而若不知者。蓋有五奸以濟之。嵩知陛下之意向



左右嵩之間謀

納言嵩之鷹犬

爪牙嵩之爪葛

者莫過於左右侍從。厚以賄結之。聖意所愛憎。嵩皆預知。以得遂其逢迎之巧。是陛下之左右。皆嵩之間謀。送。今。其奸一。通政司。納言之官。虞書。帝曰。龍。夜出。納朕。命惟允。高令義子趙文華為之。凡疏到。必有副本。即副封。見。送嵩世蕃先閱。而後進。早為彌縫。是陛下。上。十。三。之。納言。乃嵩之鷹犬。其奸二。嵩既內外周密。所畏者。廠衛。見上卷。二十。之。緝訪也。嵩則令世蕃籠絡廠衛。締結。姻親。陛下試詰。乞。嵩所娶者誰女。立可見矣。是陛下。之爪牙。乃嵩之爪葛。其奸三。廠衛既已親矣。所畏者。

耳目嵩之奴隸

臣工嵩之心腹

科道言之也。嵩於進士初選時。非親知。不得與中書。行人之選。知縣推官。非通賄。不得與給事御史之列。是陛下之耳目。皆嵩之奴隸。其奸四。科道雖入其牢籠。而部臣如徐學詩之類。亦可懼也。嵩又令子世蕃將各部之有才望者。俱網羅門下。各官少有怨望者。嵩得早為斥逐。是陛下之臣工。多嵩之心腹。其奸五。夫嵩之十罪。賴此五奸以濟之。五奸一破。則十罪立見。陛下何不忍割一賊臣。顧忍百萬蒼生之塗炭乎。陛下聽臣之言。察嵩之奸。或召問二王。裕王。景王。令其面。



陳嵩惡。或詢諸閣臣。諭以勿畏嵩威。重則置之憲典。以正國法。輕則諭令致仕。以全國體。內賊去。而後外賊可除也。疏奏。上怒。其引用二王。命繫錦衣獄。詰訊主使者。繼盛曰。盡忠在己。豈必人主使乎。又問引用二王故。繼盛大言曰。奸臣誤國。非二王誰不畏嵩者。獄具。杖百。送刑部。尚書何鰲受嵩意。欲坐以詐傳親王令旨。郎中史朝賓曰。疏中但云二王亦知嵩惡。原無親王令旨。三尺法。古以三尺竹簡書法律故云。豈可誣也。嵩怒。降朝賓為高郵判官。侍郎王學益助成其說。竟坐絞。

繫獄。編三月。以嚴世蕃為工部左侍郎。

編甲寅。三十三年春。二月。倭寇浙江。遣工部侍郎趙文華如浙。紀倭賊犯浙江。文華請禱海神。以殺賊。

遂遣如浙。陵轍。歷踐官吏搜括財物。公私苦之。編

秋。七月。命駙馬都尉鄔景和安平伯方永裕。吏部尚

書李默。禮部尚書王用賓。左都督陸炳。吏部左侍郎

程文德。禮部左侍郎閔如霖。吏禮右侍郎郭朴。獎山

並直西內。撰玄文。紀景和以不諳玄理。辭免。俄以金

幣賜玄脩。諸臣猶及景和。景和自疏無功。辭願洗心。

鄔景和不諳玄理



滌慮效馬革裹屍之報。東漢馬援曰。男兒要當死於邊野。以馬革裹屍還葬耳。上怒曰。景和故出不祥語。當擬怨訕律。乃革爵安置崑山。

殺楊繼盛

編乙卯三十四年春三月。以楊博為兵部尚書。編冬十月。殺兵部員外楊繼盛。紀初繼盛自謫所累遷至武選司員外。常感激思報。妻張氏曰。公休矣。一鸞困公幾死。今相公嵩父子百鸞也。公何以報為。繼盛不聽。密具疏。疏成齋三日。乃上。遂得罪。繼盛每出朝。審諸內臣士庶。夾道擁視。共指曰。此天下義士。又指其

三木

見六卷二七

竊歎曰。奈何不以此囊嵩頭。司業王材

詣嵩曰。人言籍籍謂繼盛且不免。公不憂萬世邪。嵩曰。吾行當救之。令其子世蕃謀之。其黨胡植鄒懋卿懋卿曰。此養虎自遺患也。植亦言不可。嵩意遂決。先是倭犯江浙。浙閩總督張經。浙江巡撫李天寵。以玩寇殃民。逮至京師。下獄論死。嵩乃以經天寵疏覆奏。附繼盛於尾。上覽之。謂江南釀娘去聲寇遺患。遂下旨行刑。是歲論大辟當刑者凡百餘人。詔決九人。而繼盛與焉。將刑。張氏疏言。臣夫諫阻馬市。預伐仇鸞。聖

張氏乞代夫命疏



旨薄謫。旋因鸞敗首賜湔箋雪。謂洗雪其冤也。一歲四遷。臣夫銜恩圖報。誤聞市井之言。尚徇書生之見。妄有陳說。荷陛下不即加戮。俾從吏議。杖後入獄。割肉二斤。斷筋斤二條。日夜籠箠。備諸苦楚。年荒家貧。臣紡績供給。部臣兩次請決。俱蒙特宥。今混入張經疏尾。奉旨處決。儻以罪不可赦。乞將臣梟首以代夫命。夫生一日。必能執戈矛。禦魑鴟魅。左傳。魑。山神。魅。怪物。魍。諸四裔。以爲疆場。效命之鬼。以報陛下。奏入。爲嵩所禦。魑魅。抑不得達。蓋殺諫臣自此始。由是天下益惡嵩父子矣。

矣。  
編丙辰三十五年春正月趙文華自江南還京擢爲工部尚書加太子太保紀文華與吏部尚書李默構隙知默與嵩異疏劾之摘其部選策題有漢武征四夷而海內虛耗唐憲復淮蔡而晚業不終爲謗訕上怒收繫獄拷訊竟死獄中嵩德文華遂有是擢編三月以胡宗憲爲兵部右侍郎兼右僉都御史提督浙閩軍務編夏五月命趙文華以工部尚書兼右副都御史視師江淮文華至而東南之民愈困矣。編秋八月江浙倭寇



平。編冬十一月。加趙文華少保。胡宗憲右都御史。平論

後功也

編丁巳三十六年夏四月。奉天華蓋謹身三殿災。

秋八月。進徐階少傅。李本太子太保。編冬十月。嚴嵩

及其子世蕃殺前錦衣衛經歷沈鍊。紀初鍊既編保

安。見上即子身至里。長老問知鍊狀。咸大喜。遣其子

弟從學。鍊稍與語。忠義大節。乃爭為鍊罵。嵩以快鍊

鍊亦大喜。嘗束芻為偶人三。自為林甫。李林甫唐玄

檜。秦檜宋高及嵩而射石之。語稍稍聞。嵩父子銜。宗朝奸相

三殿災

東芻射三奸

恨也。之。而侍郎楊順來為總督。故嵩黨也。遣其私人經

歷金紹魯指揮羅鎧。愷走世蕃。告鍊結死士。擊劍習

射。將以閒而取若父子。世蕃曰。吾固知之。即以屬祝

巡按御史李鳳毛。鳳毛謬為謝曰。有之。竊陰已解散

其黨矣。鳳毛得代歸。而御史路楷來。又嵩黨也。世蕃

為酒壽楷。而使謂順曰。幸為我除吾瘍。羊。瘡也。瘡楷至。

則與順合策。捕諸白蓮教通叛者。竄人鍊名籍中。以

叛聞。下兵部議。尚書許論不為申理。嵩竟殺之。籍其

家。嵩乃予順一子錦衣千戶。楷遷太常卿。順猶快快

楊順路楷合謀殺沈鍊



日丞相猶有所不足乎。謀之楷。復取鍊二子杖殺之。并繫其長子襄。順楷敗。乃得脫。**編**十二月。趙文華罷。**紀**文華既得寵眷。乃稍欲結知帝。不稟嚴嵩命。一日密進藥酒方。言授之仙。飲可不死。獨臣與嵩知之。上曰。嵩有是方。不奏。乃文華奏我。嵩聞之。大懼。且恨。立召文華問之。曰。若何所獻。對曰。無有。嵩取疏示之。文華慚。頓首謝罪。嵩怒。不令起。呼左右拽業出。令門者毋得為文華通。文華日憂懼。不知所出。從世蕃乞憐。為白夫人。夫人以其兒也。憐之。然嵩意終未憐也。又

趙文華密進藥酒方

文華初賂世蕃金絲幕莫一具。其姬二十七人皆寶髻。計一世蕃以為薄。恨之。乃為疏草。使上引疾歸。帝從之。而是時上方脩玄。以其疏中有病語。怒削其職。子戍邊。

**編**戊午三十七年春三月。給事中吳時來主事張翀充董傳策。並上疏劾嚴嵩及其子世蕃罪。下獄。廷杖。謫戍嶺南。**編**夏四月。浙江總督胡宗憲獻白鹿。**編**己未三十八年夏五月。殺山西總督侍郎王忬。**紀**嚴嵩以忬愍揚。繼盛死。銜之。忬子世貞。又從繼盛

胡宗憲獻白鹿  
嚴嵩殺王忬



林潤劾鄒懋卿

遊為之經紀其喪。弔以詩。嵩因深憾。懋卿嚴世蕃嘗求古畫於懋。懋有臨幅類真者以應。世蕃知之。益怒。會俺答犯大同。入潘家口。都御史鄒懋卿乃以嵩意為草。授巡按山西御史方輅。令劾懋。嵩即擬旨逮繫獄。刑部尚書鄭曉擬謫戍。奏上。竟以邊吏陷城律棄市。

**編冬**十一月。以朱熹原籍婺源縣屬江南徽州府子孫朱聖汝世襲五經博士。

**編庚申**三十九年夏六月。以都御史鄒懋卿總理天下鹽運。紀懋卿益通賄無虛日。御史林潤劾其貪冒。

上漸有疑嵩意

懋卿亦貪也。五罪。懋卿疏辨。不問。**編冬**十一月。秉一真人領道教事。少傅禮部尚書恭誠伯陶仲文卒。

**編辛酉**四十年春正月。萬壽宮帝齋居宮也災。紀命大學士徐階。工部尚書雷禮。興工重建。**編冬**十二月。吏部尚書吳鵬罷。紀鵬嚴嵩黨也。御史耿定向劾其六罪。故罷。嵩復薦所親歐陽必進代之。未久亦勒歸。**編進**禮部尚書袁煒委太子太保。入閣。蛤參預機務。紀時上漸有疑嵩意。密諭徐階舉堪輔政者。階密奏曰。人君以論相為職。陛下斷自宸衷。則窺伺陰阻之私自



塞矣。上從之。遂有是命。

**編**壬戌四十一年春三月萬壽宮成。**紀**加大學士徐

階少師任一子袁煒少保嚴嵩加祿百石而已。**編**夏

五月嚴嵩罷其子世蕃下詔獄以御史鄒應龍為通

政司參議。**紀**自徐學詩王宗茂楊繼盛沈鍊吳時來

張紳董傳策或死或戍縉紳皆畏嵩不敢言至是徐

階日親用事廷臣多知之未發御史鄒應龍欲具疏

一夕夢出獵見一高山射石之不中東有培壘樓

其下甚壯樓俯平田有米草覆其上。一注矢拉蠟折也。

徐階日親用事鄒應龍東樓一夢

小兒東樓之兆

然醒而悟曰此小兒東樓之兆也。諸司每事詣嵩請

議之甚日與東樓議之東樓世蕃別號也遂上疏劾世蕃數上其通賄賂

行諸不法狀乞置於理因及嵩植黨蔽賢溺愛惡子

且曰如臣言不實願斬臣首懸之藁竿以謝世蕃父

子。上覽之心動命嵩致仕乘傳轉去聲去而下世

蕃於獄擢應龍嘉其敢言鄒懋卿等屬視法司量坐

世蕃贓銀八百兩擬罪上請於是戍恕世蕃雷州衛

子鵠鴻及其爪牙羅龍文牛信等分戍邊遠衛家人

嚴年錮獄追贓年最黠閑入聲惡節士大夫所呼為



萼山先生

明倫彙編

卷之八

三十一

萼山先生者也。上猶以嵩故，特宥其孫鴻，為民。嵩既去，上念之，諭徐階曰：嚴嵩已退，伊子已服罪，敢有再言如鄒應龍者，俱斬。**編**六月，大理卿萬案、刑部侍郎鄒懋卿罷。**紀**御史鄭洛劾案懋卿及太常少卿萬虞龍，皆朋比奸賊，不職。案懋卿罷，虞龍降調。**編**秋九月，三殿成。

尺木堂明鑑易知錄卷之八



早稲田大学図書館

011688996726